



“Agoizko Istorioak” erakusketa, arrakastatsua

Agoizko Udalak herriko ondare historikoa eta inmateriala errekupearearen alde egiten duen apostuari jarraikiz, martxan jarri du “Historias de Aoiz-Agoizko Istorioak” izeneko proiektua.

“Agoitz, iragana gogoan” liburu-DVDa plazaratu eta “El Irati S.A.” enpresaren inguruko erakusketak izan zuen arrakasta ikusi ondoren, aurtun Kultur Etxean jarri den erakusketan ikusgai jarri nahi izan dira historiari buruzko zirtzelada batzuk, udal artxibategian eta Nafarroako Artxibategi Orokorrean dauden hainbat dokumentuen bidez. Hamaika panel osatu dira, garaiko ilustrazioak dituztenak, historiak Agoizko historiako une bitxi eta esanguratsuak jasotzen dituztenak (horietako batzuk ikusgai zeuden aretoan bertan ezarritako bitrinen barnean).

Horretaz gain, herriko maketa eder bat jarri zen, Ruiz de Aldak 1929.enean egindako aireko argazkiaren ikuspegia erreproduzitzen zuena. Erakusketa osatzeko, formatu handiko 20 argazki zeuden, XIX. mendearen bukaerako eta XX. eneko jende eta egoerak erakusten zutenak.

Kultur Etxeko areto nagusia jendez gainezka zegoen erakusketaren hasiera ekitaldian, kultur ekimen berriak piztutako ikusmina zela eta. Proiektuaren atzean egon den ekipoak aurreko hilabeteetan egindako lanaren azalpenak eman zituen. Aurkezpenean sorpresa bat izan zen ere, Irati antzerki taldeak

atzerako begirada bat egin eta historia egin zuten herriko emakumeren hiru pasadizo motz taularatu zuten.

Erakusketa bertan egon zen bitartean, bi bisitaldi gidatu antolatu ziren, Josetxo Paternain eta Inma Oroz herriko historialarien eskutik, eta bietan jendetza bildu zen. Bisitaldietako bat Nafarroako Gobernuak Ondareari buruzko Europako Jardunaldien programazioaren barnean egin zen.

1.000 bat lagun pasatu dira Kultur Etxeko areto nagusia apaindu duten «Agoizko Istorioak» ikustera. Udalak eskerrak eman nahi dizkie proiektu hau gauzatzea posible egin duten pertsona guztiei. Beraz, Francisca eta Inmaculada Oroz Rey, Josetxo Paternain Nagore, Alfredo León Mañú, Idoia Zabalza Garate, Juan Jesús eta Isabel Leache Goñi, Toño Villanueva Abaurrea eta Carmen Cosín Reta, MILA ESKER.

MIGUEL JOSÉ DE AZANZARI BURUZKO HITZALDIA. Erakusketa inauguratu aurreko ostegunean, eta «Historias de Aoiz-Agoizko Istorioak» programaren barnean, udaletxeko Aurelio León areotan, Miguel José de Azanza agoizkoaren inguruko hitzaldi interesgarri bat izan zen. Ana Zabalza Seguín Nafarroako Unibertsitateko irakasleak hitza eman zion Manuel Moreno Alonso Sevillako Unibertsitateko katedradunari. Morenok aurki aurkeztuko du gure herriko pertsonaiaren historiari buruzko liburu zabal bat.



Arkitektura familian belaunaldien arteko sormen tailerra

Ba al zenekien oraingo udaletxea duela 150 urte eraiki zela eta aurrekoa Hiriko kalean zegoela? Udalak antolatutako eta Yoanna Aguirre arkitekto teknikoak eta Kati Leatzek (Karekin Kultura) eman zuten ikastaroan Agoizko historiaren inguruko zehaztapen bitxi eta ederrak eman ziren ezagutzera. Horretaz gain, arkitektoak izatera jolastu ziren, eta etorkizunean atsegingo luketen udaletxearen maketa egin zuten.

7 urtetik gorako seme-alabak dituzten familiei zuzenduta, pasa den irailaren 21ean egin zen. Familiek elkarrekin disfrutatzen aukera izan zuten, jolasa eta sormen askatasuna helburu zituen aktibitate honi esker.



Oroimen ekitaldia, 1936an fusilatutakoei

Oroimenaren parkean (monolito bat dago bertan, gerra garaian fusilatutako eta errepresaliatutako pertsonen oroimenean) elkartu ziren, aurten ere, 1936. urteko kolpe militarren ondoren eraildako Agoizko eta Longidako 24 pertsonen aldeko omenaldian.



Omenaldia egiten den zortzigarren edizio honetan 200 bat pertsona elkartu ziren, horien artean, Josemi Gaston Memoriaren Institutuko zuzendaria, Mariano Garcia Musika Bandak eta Agoizko Txistulariek musika giroa jarri zioten ekitaldiari, Unai Lako alkateak errepresio frankista pairatu zuten guztien izenak bota zituen bitartean.

Alkateak positibotzat hartu zituen instituzioak bide bazterretan dauden hilobiak ireki eta gorpuk errekueratzen, hala nola fusilatutako edo errepresaliatutako pertsonen omenaldia egiteko guneak sortu edo errekueratzearen aldeko apostua. Ekitaldiari bukaera emateko auresku bat dantzatu eta lore eskaintza egin zen.

Eraso sexistei, Ez

Agoizko udalak tinko jarraitzen du sexu erasoak errefusatzeko ahaleginean, eta Euskal Herriko emakumeen Mundu Martxak antolatutako elkarrateratzeko deialdiari erantzun zion. Modu berean, herrikoiei azken sexu erailketa salatzen eta haren gaitzepena erakusteko gonbitea egin zion.

Agoizko udalak emakumeen aurkako bortizkeria errefusatu eta gaitzesten duela berretsi nahi du.



Bizitzarako arteterapia tailerra

Pasa den iraileko hiru asteartetan eman zen Agoizko Udaleko Osasun Arloak antolatutako «Bizitzarako Arteterapia» izeneko tailerra. Ekimenak Nafarroako Gobernuko Osasun departamentuko dirulaguntza zuen, eta bularreko minbiziarekin harremana izan zuten emakumeentzako zuzenduta zegoen.

Tailerrean adin eta bizitza egoera ezberdinean dauden 21 emakumeek parte hartu zuten. Mintegi praktikoa hau Mari José Llorente Wattenberg arteterapeuta profesional eta artista plastikoak eman zuten. Zenbait teknika artistikoen bidez garatu zen: buztina, idazketa, gorputza... helburua "gure BIZI energia" mugitzea zen.



Gizarte Zerbitzuak eta adinekoak

Pasa den irailaren 13an Kultur Etxeko José Hierro Aretoan izan zen "Gizarte Zerbitzua eta Adinekoak" izenburu zuen mintegi informatibo interesgarri bat. Agoizko erretiratu, pentsiodun eta alargunen plataformak antolatutakoa zen, eta bertan Ander Lanas eta Sara Busto Agoizko Oinarrizko Gizarte Zerbitzuetako ekipoko bi teknikariak izan ziren hizlari.

Bilkuran, gizarte zerbitzuen inguruko azalpen orokor bat egin zen, eta Agoizko zerbitzuen inguruan beste zehatzago bat. Ondoren, alderdi praktikoa batean, adierazi ziren zeintzuk diren herriko adinekoek dituzten baliabide, prestazio

eta zerbitzuak. Hitzaldia arrakatsua izan zen, 65 pertsona bildu eta haien interesak asebetu baitzuten. Gainera, bertaratutakoek

beren zalantzak herriko Oinarrizko Gizarte Zerbitzuan argitzeko interes handia erakutsi zuten.



Agoizko plano bat argitaratu da

Agoizko Udalak "Agoitz, ximplea da" turismo markari bultzada emateko asmoz, bisitarientzako interesgarria biltzen duen plano bat plazaratu du. Bertan herriko zerbitzuak, leku interesgarriak eta telefonoak bildu dira eta turistari bisitarako baliagarri izan dakioken herriari buruzko informazio interesgarria eskaintzen da. Gainera, euskarriaren atzealdean Agoizko historia, natura, jaia eta ondarearen inguruko zertzeladak ematen dira. Momentu honetan Agoizko Udaleko Turismo Arloa liburuxka prestatzen ari da. Argitalpena zehatza eta deskriptiboa izanen da, eta aurki kaleratuko da.



Berritu da Dánzalo eskolako lokalaren alokairu-kontratua

Agoizko udalak pasa den irailean egin zuen osoko bilkuran aho batez erabaki zuen urte batez luzatzea "Dánzalo, escuela de baile"-k entsegu eta eskolak emateko erabiltzen duen Agoizko Erabilera Anitzeko Zentroaren alokairuaren kontratua. Akordioa, gainera, luzagarria izan daiteke, lau urtez.



Irati ibaia garbitzeko auzolana

Pasa den irailaren 15ean ospatu zen «Lurraren Garbiketaren Nazioarteko Eguna». 300 herrialdetako 50.000 bat entitatek batera parte hartu zuten hondartzak, ibaiak eta mendiak garbitzen. Agoitzen, Irati HHS Mankomunitateak eta udalak auzolan bat antolatu zuten, Zubialdea alderdian ibaiaren bazterrak garbitzeko. 500 metro lineal egin ziren, eta 18 m³ zabor jaso zen: latak, bidioiak, burdinak, aulkiak, zapatak, arropa... eta frigorifiko bat!

Partaidetza handia izan zen. Herriko eta inguruko herrietako gizon-emakumeak eta haurrak hurbildu ziren gure ingurua zainduta eta garbia edukitzeko beharra ikustaraztea helburu zuen jardunaldian laguntza emateko.

Eskerrak eman nahi dizkiegu egitasmoan, hemen zein beste lekuetan, parte hartu zuten pertsona guztiei, egindako ahaleginarengatik eta lurragi garbiago edukitzeko lanean jarritako ilusioagatik.

Parte-hartze handia, Sanmigeletan

Jende askok parte hartu zuen San Migelen ohorean ospatu ziren festen ekitaldien programazio anitza eta zabalean. Eguraldiak ere lagundu zuen, eta eguzkiak kalera atera zituen irailaren 29an ospatzen diren festa txikiak disfrutatzen.



Ostiral arratsaldean, Kultur Etxea aisialdi areto handi bat bilkatu zen. Bertan txikiak gozatu zuten programatutako tailer eta jolasekin. Foru Komunitateko Erremonte Txapelketa 2018 zela eta, finalurreko bat ospatu zen Agoizko pilotalekuan, eta bi partida jokatu ziren.

Iraunkorrak txarangak poteo orduan eta herri bazkarian jo zuen. Dantzaldia eta gaupasa, Trikidantz Taldearen esku egon zen. Horretaz gain, eguna boro-biltzeko, ezin falta zezensuzkoa eta DJ-a (Tape).

Agoizko Gaitariak eskainitako dianek eman zioten hasiera irailaren 29ari. Ondoren zanpanzara ibili zen herriko kaletan zehar. Herriko patriaren omenez, ohiko prozesioa eta ondorengo meza ospatu zen. Erraldoi eta Buruhandien Konpartsa ere kaleetan barna ibili zen, Agoizko Gaitariak eta Milaur Taldeak lagunduta.

Igandean «Historias de Aoiz-Agoizko Istorioak» erakusketak hartu zuen protagonismoa, Ondareari Buruzko Europako jardunaldiko ekitaldien programazioaren barnean eskaini zen bisitaldi gidatuarekin.

Bitartean, dantza taldeak ohiko hamarretakoa antolatu zuen. Meza ondoren, kalejira eta antzezpena egin zen: agramondar eta beaamondarren arteko guda, ondorengo bakearen sinadura eta irangan mendee-tako oihalgileen lana. Zita ikusgarria, Nafarroa Behe-rea plazan gero eta jende gehiago biltzen duena.

Jubilatuen Elkarteak, berriz, omenaldia eskaini zien Emilio Blasco Zalbari eta aurten urrezko eztaiak egiten zituzten zortzi bikoteei. Elkarteak Beti Jai jai-jai antolatu zuen bazkariak bukaera eman zion jai ekitaldiko agendari.

Kultur balantzea

Iraileko kultur agendan bereziki nabarmentzekoa da «Historias de Aoiz-Agoizko Istorioak» erakusketa interesgarria. Baina bazeuden programazioan ekitaldi gehiago: hilabetero egiten den pintxo-potea, gerra garaian fusilatu eta errepresaliatutakoen aldeko omenaldia, *Arteterapia* eta *Familia giroko Arquitektura* tailerrak eta adinekoentzako Gizarte Zerbitzuen inguruko hitzaldia.

aberastasuna erakutsi zuen, eta musikariak, txalapartariak eta dantzariak bereziki zaindu zuten haien taularatzeko modua, melodia eder eta dantza ikusgarriak txukun eskaintzen.

Horietaz gain, Nafarroako Gobernuak KULTUR programazioaren barnean, Mielotxin folk taldeak *Alan Lomax in memoriam* izenarekin prestatutako errepertorio berria eskaini zuen gainezka egon zen Kultur Etxeko entzutegian. Ikusizunak gure folklorearen



XIII. Argazki Lehiaketaren saria

«Paisaje con figura» da Agoitz Hiria XIII. Argazki Lehiaketaren saria jaso duen argazkiaren izena. Ángel Benito Zapata eginikoa da, eta, lehiaketako oinarrietan adierazita dagoen moduan, 500 euro jasoko ditu harengatik. Epaimahaiak zaila izan zuen irabazlea aukeratzeko; izan ere, lan asko, eta kalitatezkoak, gainera, aurkeztu ziren. Herriarren saria (300 euro), berriz, Alfredo León Mañúk jaso du, «Edo kalean gora?» argazkiagatik. Bi modalitateetara aurkeztutako argazki

hoberenak bilduko dituen erakusketa inauguratzeko ekitaldian banatuko dira sariak.

Aurtengo nobedade gisa, herritarren saria aukeratzeko modua izan da: on-line bozkatzeko aukera izan da, aldezturik epaimahaiak aukeratzeko hiru argazkien artean, udal web-gunean gaitutako formularioaren bidez.



Kulturgunea: jaietako eta udako balantzea

Pasa den irailaren 27an bildu zen Kulturgunea foroa, jaietako hala nola udako hilabeteetan zehar programatutako kultur aktibitateen balantzea egiteko. Zita horren aurretik herritarrei eskatu zitzaizen iritzia helaraz zezaten, e-mailez edo telefonoz, horretarako prestatu zen galdetegi bati erantzunez. Bileran egindako balorazio orokorrean, azpimarratu zen jaietan parte hartze handia izan zela, herriko asko ikus ahal zirela kaleetan eta jai onak izan zireneko ustea gelditu

zela. Azterketa zehatza eta sakonago batean, heldu diren urteetako jaietarako hobetzeko dauden gauzak zerrendatu ziren. Zentzu horretan, argitu behar izan zen soilik jaietako programaren inguruko balorazioa egiten ari zela.

Bestalde, adierazi nahi da Kulturguneko bilkuran parte hartu zutenek aho batez errefuxatu zutela azken jaietan salatu zen sexu eraso salaketa.

Euskaraldiak izena emateko epea zabaldu du

Euskaraldia heldu den azaroaren 23tik abenduaren 3ra bitartean Euskal herri osoan gauzatuko den ariketa kolektiboa da, euskararen erabilera bultzatzeko, euskaraz hitz egiten edo ulertzen dutenen artean.

Agoizko Udalak, ekimenarekin bat egin nahi izan du, eta izena emateko interesatuta dauden guztiei egiteko aukera eskaini die Udaleko Euskara Zerbitzuan. Euskaraldiaren web-gunearen bidez egin daiteke: www.euskaraldia.eus

Ekimenaren bultzatzaileek dioten moduan, Euskaraldiaren helburuetako bat da "eguneroko hizkuntza ohiturak aldatzea eta euskara erabiltzea dugula frogatzea, uste dugun baino leku eta egoera gehiagotan".

Agoitzek 50.000 km egin ditu "erronka solidarioan"

Diario de Navarra Fundazioak eta "La Caixa" Gizarte Ekintzak antolatutako "Erronka Solidarioa" sobera bete da. Hasiera batean milioi bat kilometro osatu nahi

ziren 18 astetan, eta, guztira, 1.465.305 lortu dira, egitasmoan parte hartu duten 5.135 persona, 17 enpresen eta hainbat toki entitateen artean (Agoizko Udala barne).

Ekimen honen funtsa da besteak laguntzeko kirola egitea, eta, zenbat eta kirol gehiago egin, aukeratutako



eta 5.000 Jubilatuen elkarteak). Horri esker, agoizko udalak 1.751,10 euro lortu ditu. Kopurua desfibriladoreak ordaintzeko erabiliko da.

Helburuarekin bat egin eta ahalegindu eta konprometitu diren pertsona guztiei eskerrak eman nahi dizkiegu, gure helburua lortu baitugu.

xederako orduan eta ekarpen ekonomiko handiagoa lor daiteke. Agoitzek erronka honetan ia 50.000 km egin ditu (45.000 udalak

Kanpondoako ikastaroetako izen-emateak

Urtero garai hauetan ohi den moduan, ikasturtea hastearrekin batera, Udalaren Kirol programak Kanpondoa Kirol Gunean eskaintzen dituen aktibitateetan parte hartzeko izena emateko garaia izan da.

Matrikulaldia amaituta, oso positiboki baloratu dira emaitzak, guz-

tira 305 izen-emate izan baitira, horietako erdia baino gehiago haur eta gazteentzako aktibitateetarako.

Azpimarratzekoa da, ikasturtean zehar hogeita hamar minutuko mintegi motzak eskainiko direla ere, eta horietan interesatutako edozeinek parte hartu ahalko

duela. Horien artean, honakoak daude, besteak beste: gimnasia kognitiboa, arriskurik gabeko abdominalak, funtzioetako entrenamendua, stretchinga, corea...

Informazio gehiago nahi izanez gero, deitu 948 33 67 06 telefonora edo kontsultatu www.kanpondoa.es web-gunean.

Amaia Izar Leache, Miss World Spain

Amaia Izar Leache Larunbe agoiztar gaztea Miss World Spain izendatu dute duela egun batzuk. Sari horretaz gain, Miss Ile Ederra eta Miss Dotorezia izendatu dute, Rotan egindako edertasun lehiaketan. Amaia Espainiako ordezkaria izanen da Txinako Sanya hirian heldu den abenduaren 8an ospatuko den Miss World txapelketan. Zorionak eta zorte on, Amaia!

